



Coronavirus (COVID-19) cheknak

Coronavirus (COVID-19) kong ah, biahal ding na ngeih ahcun, suimilam 24 chung coronavirus kongkau chawnh khawhnak 1800 675 398 hi chawn.

Coronavirus ngeih le ngeih lo i chek khawhnak hmun theih na duh ahcun, suimilam-24 chung chawnh khawh mi coronavirus kongkau hlathlainak 1800 675 398 hi chawn, silole <https://www.dhhs.vic.gov.au/getting-tested-coronavirus-covid-19> in hin zoh.

Holh let na herh ahcun, 131 450 hi chawn hmasa, cun coronavirus kongkau hlathlainak kha hal hna silole na zoh khawh ding mi website kha hal hna.

Caleh ciami pawl tamdeuh cu hika ah na hmuh khawh lai <https://www.coronavirus.vic.gov.au/translations>.

Victoria ramchung i a um mi kip caah, ramleng sianginn ngakchia, ralzam sinak a sok lio mi silole ramleng minung khaulawng pawl telh in coronavirus i cheknak cu man lo a si

Coronavirus cheknak cu aho paoh caah manlo a si. Hi ah hin Medicare kat a ngei lomi, ramdang in a hung tlawngmi, ramdang siangngakchia pawl, mipeem pawl le ralzam sinak a kawlm pawl tibantuk an i tel hna.

Zawtnak hmelmchunhnak pawl na ngeih ahcun, a tang i langthermi hmunhma pakhat khat ah manlo in cheknak naa tuah khawh:

- Victorian siizung coronavirus Thawchuahnak lei Zohfelnak Seekhaan (Zualhma Thawdawpchuahnak lei Zohfelnak Sii-khan) (Acute Respiratory Assessment Clinic)
- Mibu Ngandamnak Zohkhenhnak Hmun Thawchuahnak lei Zohfelnak Seekhaan (Community Health Centre Respiratory Assessment Clinic)
- Dawr ngan pipi i mawtaw mawng pah in chek khawhnak seekhaan
- Mah umnak hmun ah lamlen pah in chek khawhnak seekhaan.

Aho dah coronavirus caah cheknak tuah a herh?

Hi zawtnak hmelmchunhnak pawl chungin pakhat khat na ngeih ahcun coronavirus caah cheknak tuah na hau:

- Taklinh
- Khuasih
- Khuh
- Or fah
- Thawhchuah / i harhnak
- Hnapdi chuah
- A rim theihnak tlaunak

Na zawt hmelmchunhnak pawl kha tlawmpal te a si zongah, cheknak tuah nah au.

Cheknak tuah na si tikah zeidah a cang lai?

Cheknak naa tuah tikah, nangmah konglam le pehtlainnak he pehtlai in catlap phit ter na si lai. Medicare kat na ngeih lo ahcun, zaangfahnak in na sinak a langhter tu ID pakhatkhat rak i put, tahchunhnak ah na mawtaw mawngnhak laisen, passport, umkalkak lei thumhnak kat asilole siangngakchia ID. Naa cheknak seekhaan nih na visa kongkau an hngalh a herh lo.

Coronavirus cheknak cu siisaya/ma, siibawi asilole a dang ngandamnak lei thiamsang pawl nih tuah a si lai. Na or le hnar kha thiag tein an in hnawh piak lai. Chek caan cu minit tlawmpal a rau lai.

Coronavirus caah cheknak ka ngeih hnu ah mah lawng tein um ka herh maw?

Siibawi asilole ngandamnak lei zohkhenhnak riantuantu nih zawtnak hmelchunhnak pawl na ngeih ahcun an in chimh ko lai i, naa cheknak aphi na ngah hlan paoh cu mah lawng tein na um a hau. Cuaah naa chek dih bak in inn ah na tin colh lai i, naa chek mi a phi chuah hlan paoh cu innchung ah um ding a si.

Zawtnak na ngeih le ngeih lo cu an chektu siibawi silole naa cheknak sii-in nih khan theihter ding ah an in pehtlai lai.

Kaa chekmi aphi pawl ngahnak dingah zeican dah a rauh lai?

Chek hnu in a phi ngahnak dingah ni 1-3 tiang a rau tawn. Aa chekmi minung tamtuk ahcun, naa chekmi aphi ngahnak dingah ni 5 a rau kho.

Naa chekmi aphi kong ah biahalnak tuah na duh ahcun, cheknak naa tuahnak seekhaan asilole siizung kha pehtlainnak tuah hna.

Dawr ngan pipi ah mawtaw kal pah in chek khawhnak seekhaan pawl ah naa chek ahcun, naa chekmi aphi ngah ngahnak dingah ni 5 nak tamdeuh na hngah a herh lai, zaangfahnak suimilam 24 chung coronavirus kongkau chawnh khawhnak 1800 675 398 hi chawn. Naa chekmi a phi ngahnak dingah kan bu nih an bawmh lai. Dawr ngan pipi ah mawtaw kal pah in chek khawhnak seekhaan pawl nih naa chekmi aphi ngah dingah an in bawm kho lai lo, cuaah zaangfahnak in naa chekmi aphi caah anmah kha pehtlainnak tuah hna hlah.

Naa chekmi a phi cu zawtnak na ngeih le ngeih lo zongah, chimh na si lai. Na va chek i zawtnak na ngeih sual ahcun Departmentn of Health and Human Services lei in pehtlai na tong lai i tamdeuh in na sining an in hal pinah na tuah herh pawl kha an in chimhlai.

Mah hi cauk pungsan in zoh khawh na duh ahcun [Emergency Management Communications](mailto:em.comms@dhhs.vic.gov.au) <em.comms@dhhs.vic.gov.au>.

Authorised and published by the Victorian Government, 1 Treasury Place, Melbourne.

© State of Victoria, Australia, Department of Health and Human Services May 2020.

ISBN/ISSN 978-1-76069-423-4 (online/print)

Available at [Translated resources - coronavirus disease \(COVID-19\)](https://www.dhhs.vic.gov.au/translated-resources-coronavirus-disease-covid-19) <<https://www.dhhs.vic.gov.au/translated-resources-coronavirus-disease-covid-19>>